

SOLVTIO PROBLEMATIS

A R. P. MARINO MERSENNO MINIMO

PROPOSITI.

Datis tribus quibuscumq; magnitudinibus, rationalibus
vel irrationalibus, datisque duarum ex illis Logarith-
mis, tertiæ Logarithmum Geometricè inuenire.

D V O

A proponente de hac Propositione pronuntiantur.

V N V M

Quòd forsitan longè difficiliorem quam ipsa Quadratura solu-
tionem requirat:

A L T E R V M

Quòd Quadratura Circuli à R. P. GREGORIO A S^{ro}. VINCENTIO exhibita,
abeat in illud necdum solutum Problema.

Quibus videtur indicare, solutionem Problematis de Quadraturâ Circuli, expeditam fore, si
defectus suppleatur, quem in solutione Problematis à se propositi consistere iudicauit.

A V C T O R E

P. ALFONSO ANTONIO DE SARASA SOCIETATIS IESV.



ANTVERPIÆ,

Apud IOANNEM & IACOBVM MEVRSIOS.

ANNO M. DC. XLIX.

22 05 1961 045VJ02

[illegible]

Dealing with the "Big Data" of the 21st Century

• $\frac{d}{dt} \left(\frac{1}{2} m v^2 \right) = \frac{d}{dt} \left(\frac{1}{2} m \dot{r}^2 \right) = m \dot{r} \ddot{r}$



P R Æ F A T I O.



Encidi nuper in Censuram quandam, quam R.P. MARINVS MERSENNVS, libro quem de Reflexionibus Physico-mathematicis inscribit, quâ, de subtilissimo opere R.P. GREGORII A S^{to}. VINCENTIO è Societate IESV, quod nuper summâ omnium admiratione applausuque prodiit, quid sentiret, palameuulgauit. Scripto eam amicus quidam comprehensam, huc transmiserat, cum librum ipsum æquè commodè non posset: quam cum quasi temerè abiectam, & veluti neglectam fortè inspicerem, famamque interim incomparabilis in Geometriâ viri viderem si non obteri, saltem apud Geometriæ non adeo peritos aliquouosque obscurari, certè non negligenda penitus res vîsa tum est, sed digna omnino quam scripto refellerem ego, cum eam non magni se facere R.P. GREGORIUS satis ostenderet; vt omnibus in eam qui inciderent, fieret manifestum, iniuriâ minimè ferendâ, hominis tam bene de Geometriâ meriti incomparabiles labores, tam indignis modis contemni, ac veluti dilacerari.

Illud tamen vacillantem me, dubitantemque an responsione digna res esset, planè à sententiâ reuocauit, quod cum Geometricæ cuiusdam Propositionis mentionem faceret, à quâ tamen stabilimentum omne, qualiscumque Censura illa petere videbatur, satis officio meo facturus mihi viderer in causâ Geometricâ, si illa ipsa tantummodo, prout expetitur, solueretur: stare enim sic suum honorem videbam Quadraturæ Circuli, quam R.P. GREGORIUS A S^{to}. VINCENTIO, publici iuris fecit, cum aliam nullam difficultatem ad rem quæ faceret, hoc est Geometricam, in eâ rectè percipiendâ, sibi Mersennus conqueratur obuolutam.

Operæ pretium tamen erit Censoris verba his attexere, vt quam parum Geometricè concepta sit & expressa, in ipso vestibulo, æquus Lector intelligat.

Quam libro Reflexionum Physico-mathematicarum inseruit. Pag. 72.

A nostris autem Phenomenis editis, conatus ingens in inveniendâ Circuli Quadraturâ, labore improbo impensus est, & decem libris explicatus, quo Proportionalitates nouo modo deducuntur: quippe non solum rationes similes, sed etiam dissimiles inter se comparat. At verò cum neque dederit Quadraturam eo modo quo solet à Geometris expectari, cum in eâ exhibendâ, longè quam ipsa Quadratura difficiliora supponat, vel postulet; neque meminerit vllatenus Geometria per Induisibilia Eruditissimi Bonauentura Cauallerij, quandoquidem primus illam per Induisibilia methodum edidit, qui tamen illi præluxisse videtur, nostris Geometris displicuit. Qui præterea nonnihil in illo opère requirunt, vel arguunt; idq; præsertim quod cum Opus suum Quadraturæ Circuli specioso, superboq; titulo insignierit, nihil tamen quod ad rem faciat, præter id quod eâ in re hætenus inuentum est, protulerit. Quippe in illud abis necdum solutum Problema, quodq; forsitan longè difficiliorẽ quam ipsa Quadratura solutionem requirit: Datis tribus quibuscumq; magnitudinibus, rationalibus, vel irrationalibus, datisq; duarum ex illis Logarithmâ, tertia Logarithmum Geometricè inuenire.

Hæc R. P. MARINI MERSENNI sententia, totidem expressa verbis, hoc est singulis, & omnibus. Contemni quidem poterant omnia, quæ totâ Censurâ continentur, imò & contemnuntur à peritis; silere tamen omnino, non videbatur consultum; saltẽ ad Geometrica responsum oportuit, cum inter multos versentur hodie, quibus silentium ipsum, erroris deprehensi videtur esse, tacita quidẽ, sed indubitata confessio.

Conabimur igitur ad Problema Propositum respondere, illudque supplere quod ad absolutam circuli dimensionem Merseennus deesse suspicabatur: & hac occasione quorundam dubiis taciemus satis, quibus aliquæ propositiones Quadraturam spectantes; obscuriores visæ sunt.

PARS PRIMA.

Expenditur, determinatur, & soluitur legitimè determinatum


PROBLEMA

Propositum à R. P. Marino Mersennò Minimo.

Datis tribus quibuscumq; magnitudinibus rationalibus vel irrationalibus, datisque duarum ex illis Logarithmis, tertiz Logarithmum Geometricè inuenire.

Logarithmorum hæc conditio eum sit, ut non nisi seriei magnitudinum continuè proportionalium ritè affigantur, proinde postulat Problema præsens, ut, si expolita sit quævis series continuè proportionalium $A, B, C, D, \&c.$ in eaque assumantur quævis magnitudines $A \& C$, quarum Logarithmi sint dati, assumatur autem quævis magnitudo L , Geometricè determinetur, quota sit L magnitudo in ea serie quantitatum in continuâ ratione constitutarum, in quâ sunt magnitudines $A \& C$: determineturque præterea quoræ & illæ sint in eadem serie. Hoc certe præstiterimus solutum erit quod proponebatur.

Verum illud expendendum est imprimis, an Problema prout propositum est vniuersum, & illimitatè, rectè problematis nomine indigitarî possit: nam si ad id præstare esse quoddam in casu demonstrauero, euicero certè, non rectè neque Geometricè fuisse propositum.



Vt igitur clarè procedamus, percipiamurque, expotiatür series aliqua quantitatum quæ sint in eadem analogia A, B, C , supponamusque eam progressionem vtrinq; promoueri, scilicet per diminutionem quantitatum in terminis $D, E, \&c.$ & per incrementum eiusdem seriei per terminos $F, G, \&c.$ exponaturque quævis quantitas L . De hac magnitudine L plura quæri possunt, ac illud imprimis


Primò. An illa sit vna è numero magnitudinum quæ sunt in progressionem seriei expolitæ rationis G ad F , siue an ratio G ad L sit aliquoties multiplicata, v.g. triplicata, quintuplicata, centuplicata rationis G ad F , aut F ad G , si L maior sit quam G .

Secundò. An aliz series magnitudinum possint exhiberi, quæ singulas harum quantitatum quæ sunt in serie A, B, C aut $G, F, A, \&c.$ continent, sic vt ratio A ad B , item B ad C , &c. sit duplicata, quintuplicata, centuplicata, &c. rationis quam habet prima ad secundam alterius seriei intermediz.

Tertiò. An posito quod quantitas L non contineatur in serie A, B, C , possit ea reperiri in aliâ quâdam serie progressionum, quæ totam A, B, C, D seriem dicto modo complectatur.

Quartò. An posito quod quantitas L in vnâ serie progressionum harum exhiberi possit, in omni serie Propositâ possit reperiri, si ita multiplicetur numerus serierum in infinitum, vt posterior semper includat superiores.

CONFIRMATIONES




Ex quibus omnibus fiet manifestum, quod si datae sint A & C quantitates, earumque Logarithmi, & tertia item data sit L, quæ in serie nulli esse possit in qua sunt A & C quantitates, quantumcumque series illa extendatur aut dimidatur aut multiplicetur (quod fieri posse demonstrabitur) non posse in hoc casu inueniri Logarithmum quantitatis L, ac propterea malè propositum esse Problema. Atque ex hoc ipso limitationem inueniemus, quæ constringi Problema debuerat, sicque in ordinem redactum ad Geometricam constructionem reuocabimus, quod nullis videbatur legibus posse coerceri.

Vt autem hisce quæ sitis Geometrico rigore facceremus satis, potissima doctrina Partis quartæ l. 7. de Hyperbola, ex Opere Geometrico R. P. Gregorij, repetenda hic foret; fundamenta enim doctrinæ quæ Logarithmos complectitur inibi continentur. Sed quia nimis longum id foret, statui tres quatuorve Propositiones hisce inferere, quæ instituto nostro faciant satis. Demonstrationem ipsam non apponimus breuitatis gratiâ, propositionem ipsam exposuisse contenti ut quibus ipsum Opus Geometricum R. P. Gregorij ad manum non fuerit, intelligant nihilominus quænam isthic veritas proponatur: sicque demonstrationes nostræ, in quibus illæ citantur, clariores euadent, manifestiorque fiet veritas.

PROPOSITIO PRIMA.

Data quauis serie linearû AB, AC, AD, AE, AF, AG, &c. quæ eandem rationem continent AB ad AC, erigantur ad angulos rectos lineæ AG punctis G, F, E, D, C, B aliar rectæ nimirum GN, FM, EL, DK, CJ, BH, quæ sint in eadem ratione cum lineis AB, AC, AD, AE, AF, AG.

Dico puncta H, I, K, L, M, N, &c. efficad Hyperbolam cuius asymptoti sunt AV, AG, quæ ad rectos angulos sibi inuicem eriguntur.



Demonstratio.

Patet ex 198. lib. de Hyperbola. omnia enim rectangula AH, AI, AK, AL, AM, AN æqualia sunt.


Corol-

Datigitur serie continuè proportionalium linearum O, P, Q, R, S, T, &c. datisque lineis AV, AG angulum quencumque continentibus faciliè in lineà AG inuenientur puncta B, C, D, E, F, G, &c. è quibus educatæ BH, CI, DK, EL, &c. æquales quidem lineis O, P, Q, &c. singulæ singulis, parallelæ autem ad AV, terminentur ad eandem Hyperbolam, cuius asymptoti sint AV, AG. nam si sumantur è lineà AV rectæ, quæ sint æquales, T, S, R, Q, P, O. scilicet Aβ, Aγ, Aδ, Aλ, Aθ, &c. Deinde linea quævis AG assumatur quæ diuisa sit secundum eandem rationem, secundum quam diuisa est AV in β, γ, δ, λ, θ, ex punctis autem β, γ, δ, λ, θ, ponantur æquidistantes rectæ AG, similiter ex punctis B, C, D, E, F, G erigantur lineæ quæ æquidistant AV, concursus harum parallelarum assignabunt puncta Hyperbolica H, I, K, L, M, N: erantque HB, IC, KD, LE, MF, NG, æquales rectis O, P, Q, R, S, T.

PROPOSITIO II.

Eadem figurâ assumptâ, sint rursus AV, AG asymptoti hyperbolæ HIKN: & ponantur BH, CI, GN parallelæ asymptoto AV, auferentes quædam segmenta hyperbolica HBCI, ICGN.

Dico quod ratio HB ad IC toties multiplicet rationem IC ad NG, quoties superficies HBCI, (quam commoditatis gratiâ deinceps vocabimus superficiem HC) continet superficiem IG; aut contra siue quod idem est. Dico quod ratio HB ad IC toties multiplicata sit rationis IC ad NG, quoties superficies HC continet superficiem IG, aut contra.



Demonstrationem vide l. 7. de Hyperb. Prop. 115. & 129. Operis Geometrici.

PROPOSITIO III.

Idem positis:


Si lineæ HB, IC, KD, LE, MF, NG, &c. siue quod in idem recidit si lineæ AB, AC, AD, AE, AF, AG, &c. continuè proportionales fuerint.

Dico superficies omnes hyperbolicas HC, CK, KE, EM, MG, &c. æquales esse. Et si superficies hyperbolice per lineas HB, IC, KD, &c. asymptoto

asymptoto AV parallelas determinatæ, æquales fuerint inter se, dicō omnes lineas HB, IC, KD, LE, &c. item & omnes lineas AB, AC, AD, AE, &c. continuè proportionales esse.

Demonstrationem habes L. 7. de Hyperb. Prop. 130. sequiturque ex præcedente

Scholion.



Ed quorsum hæc iniquis ambages non quæro, ad Logarithmos te duco, licet valde disparata videantur hæc à scopo nostro, breuiter igitur eam doctrinam, Logarithmos comprehendere, sic ostendo.

Assumatur rursus eadem figura. Sitque series aliqua magnitudinum O, P, Q, S, T in continuâ analogiâ existentium, quarum Logarithmi sint 6, 7, 8, 9, 10, &c. qui quidem numeri eodem semper sese superent excessu, secundum doctrinam Logarithmicam. Assumptâ igitur quâdam hyperbola HIN, cuius asymptoti sint AV, AG, constituentur ad eam lineæ HB, IC, KD, LE, MF, NG, &c. parallelæ quidem ad asymptoton AV, æquales vero lineis O, P, Q, R, S, T singulæ singulis, quod quidem per Corr. primæ huius facile fiet. Erunt igitur per tertiam huius omnes superficies HC, CK, KE, EM, MG æquales inter se. Vnde si continuetur ratio IG ad HB, fiatque eidem proportionalis XZ, eaque per Corr. primæ huius ad eandem hyperbolam constituitur, erit & superficies XB æqualis superficiebus HC, CK, &c. vnde tota superficies hyperbolica XG eodem excessu excedit superficiem hyperbolicam HG, quæ superficies hyperbolica HG superat superficiem IG; & rursus superficies hyperbolica IG eodem excessu superat superficiem KG, & sic deinceps. Vnde loco numerorum 6, 7, 8, 9, 10, &c. qui erant Logarithmi magnitudinum O, P, Q, R, S, T, assumere poterimus quantitates hyperbolicas XG, HG, IG, KG, LG, MG, aut potius MG, LG, KG, IG, HG, XG. aut si hyperbolæ mentionem fieri non vis rationes ME ad NG, LE ad NG, KD ad NG, IC ad NG, HB ad NG, XZ ad NG, cum hæc quantitates, & consequenter rationes, non minus æquali sese innicem superent excessu, quàm numeri Logarithmici qui assumpti fuerunt. Quare naturam Logarithmicam cum sua terminorum continuatione & excessu, vides Hyperbolæ ad amussim accommodatam; vt iam loco numerorum, liceat has partes hyperbolicas, aut rationes dictas linearum assumere.

Vt igitur nos accingamus tandem ad solutionem illarum difficultatum, quæ initio fuere proposita, sequentes formo propositiones. Ac primam quidem in quâ exigua est difficultas, etiam hic soluere placuit, vt tota materia per hyperbolicas hæc proprietates, quas iam proposui, quasque deinceps persequimur, absolueretur.


PRO.

PROPOSITIO IV.

Data sit series linearum A, B, C, D, E, &c. continuata secundum rationem A ad B. Data sit insuper quævis F.


Oporteat ostendere an F exhiberi possit in serie rationis A B C utrimque si opus fuerit producta, secundum rationem maioris inæqualitatis A ad B, vel minoris B ad C.

Constructio & Demonstratio.



Sit series M G, M H, M I, M K similis seriei E, D, C, B, A: sumptisque M λ , M Z, M O, M N, quæ sint æquales E, D, C, B, A, erigantur G P, H V, I X, K β , L δ parallelae rectæ M N, quæ concurrent cum rectis N P, O V, Y X, Z β , λ δ quæ æquidistant M L, in punctis P, V, X, β , δ : erunt hæc puncta ut dictum est ad hyperbolam, cuius asymptoti sunt M N, M L: ostendere igitur oportet an F sit in serie A, B, C, D, E, &c. hoc est in serie M N, M O, M Y, M Z, M λ . Fiat rectangulum super F (posiro quod N M L angulus sit rectus) & alia recta Q, æquale M P rectangulo: sumpta deinde M S quæ sit æqualis Q, erigatur S R æqualis F parallela M N, erit punctum R ad hyperbolam P β δ , cum M R rectangulum æquale sit M V rectangulo, vel igitur punctum R est inter puncta P, & V, vel est ipsum punctum P, aut V (quod autem dico de P, aut V intellige de quibusvis duobus punctis V X vel β δ , &c.) Quod si medium est punctum R inter P, & V, igitur recta R S, hoc est F, non est assignabilis in tota serie progressionis B, C, D, E. hoc est in serie M O, M Y, M Z, M λ , &c. nam omnes quæ sequuntur V H sunt semper minores quàm sit, V H, cumque R S media ponatur inter P G, V H hinc maior est R S quam V H, & consequenter maior quavis lineâ quæ minor est quàm sit V H, quales sunt omnes X I, β K, δ L, &c. si autem continuetur ratio V H ad P G ut sint proportionales V H, P G, λ ω , tunc fiet processus à minore ad maiorem. quare cum recta R S minor sit quàm P G multo minor erit quàm sit λ ω , &c. unde neque recta R S hoc est F est in serie rationis V H ad P G, & P G ad λ ω , &c. manifestum igitur est quod non contineatur F in serie rationis A, B, C, D, E, &c. nisi recta Q hoc est M S æqualis sit vni linearum progressionis M G ad M H.

PROPOSITIO V.



Sit rursus data series continuè proportionalium $A, B, C, D, \&c.$
 Dico infinitas exhiberi posse series, quarum partes sint lineæ $A, B, C, D, \&c.$ sic ut ratio A ad B sit duplicata vel triplicata vel quintuplicata, vel centuplicata, &c. rationis quam habet prima ad secundam alterius serie exhibitæ.


Demonstratio.

Sint lineæ F, H, I, K mediæ inter A, B, C, D , & fiant L, M, N, O, P æquales rectis A, B, C, D, E . erunt igitur L ad M , M ad N , N ad O , hoc est A ad B , B ad C , C ad D in duplicata ratione L ad F , ac propterea $A, B, C, D, \&c.$ erunt partes seriei rationis L ad F . Sed eodem modo si ponantur mediæ inter terminos huius seriei $L, F, M, H, N, \&c.$ series hæc secunda pars erit seriei illius tertiæ, ac propterea & series A, B, C, D pars erit seriei tertiæ, cum ostensa sit esse pars secundæ. cum autem infinitæ medietates possint assignari inter duos terminos, imò & infinitæ binariæ mediæ, ternariæ, quaternariæ, &c. patet seriem A, B, C in infinitis infinitis seriebus assignari posse cuius sit pars, prout propositum erat demonstrare.

PROPOSITIO VI.

Sint A, B, AC asymptoti hyperbolæ DFH , & positæ sint tres lineæ DE, FG, HC quæ æquidistant asymptoto AB auferantque superficies hyperbolicas DG & GH , ita tamen ut ratio superficiæ DG ad GH , eam obtineat rationem quam latus quadrati ad suam diametrum, siue ut superficies illæ sint incommensurabiles.

Dico lineam HC non esse in vlla omnino serie in quâ reperiuntur lineæ DE & FG .

*Demonstratio.*

Si enim in aliquâ serie rationum continuè proportionalium sint tres illæ lineæ, ponantur esse in serie rationis DE ad IK , & IK ad FG ; FG ad LM ; LM ad NO ; NO ad HC . itaque eam continuè proportionales sint $DE, IK, FG, LM, NO,$

QVADRATVRÆ


n

NO, HC, per tertiam huius erunt superficies DK, KF, FM, MN, NC inter se æquales, unde superficies DK communis est mensura superficiei DG, & GH. sed GH superficies posita erat ad superficiem DG vt quadrati latus ad eius diametrum, igitur & numero exponibile est quoties diameter quadrati, latus sui quadrati contineatur, adeoque eæ magnitudines sunt commensurabiles; quod est absurdum, non est igitur, HC in serie in qua reperiuntur duæ DE, FG. Quod erat demonstrandum.

PROPOSITIO VII.

Sint denique vt ante AB, AC asymptoti hyperbolæ DFH; & lineæ DE, FG, HC æquidistantes asymptoto AB interceptiant duas superficies DG, GH commensurabiles.

Dico DE, FG rectas esse in serie alicuius rationis, in quâ potest exhiberi recta HC.



Demonstratio.


Cum enim DG, GH superficies commensurabiles sint, communem aliquam maximam mensuram habebunt. sit ea superficies OH, determinata per lineam ON parallelam asymptoto AB; quæ tertio v.g. contineatur in superficie HG. Itaque per secundam huius ratio FG ad HC, erit triplicata rationis NO ad HC. Sed eadem superficies bis v.g. repetita mensurabat superficiem DG, igitur cum superficies DG bis contineatur superficiem OH, etiam ratio DE ad FG, bis continebit rationem NO ad HC; siue quod in idem incidit, ratio DE ad FG, erit duplicata rationis NO ad HC per eandem. sed & eiusdem rationis erat ratio FG ad HC triplicata; ergo ratio DE ad FG duplicata est eius, cuius ratio FG ad HC est triplicata. Itaque cum FG linea vtrique rationi communis sit, manifestum est lineam HC esse in serie rationis in qua sunt lineæ DE, FG, quod erat demonstrandum.

Et id quidem manifestius adhuc apparebit, si per Corr. primæ huius. inter DE & FG constituatur KI media proportionalis quæ ad eandem hyperbolam terminetur. Erit enim ratio DE ad KI vt NO ad HC. Item si tertio continuetur ratio eadem I Kad FG, per rationes FG ad LM, LM ad NO, & NO ad HC, erunt per tertiam huius omnes superficies DK, KF, FM, MN, NC æquales inter se, ac lineæ DE, IK, FG, LM, NO, HC idem continuè proportionales. manifestum igitur est iterum DE, FG lineas esse in serie in qua est HC, & quidem in serie rationis NO ad HC, siue DE ad KI, quod erat demonstrandum.

CONFIRMATIONES
PROPOSITIO VIII.

POSITIS AB, B C hyperbolæ DFH asymptotis ; vni eorum constituantur æquidistantes rectæ DE, FG, HC, continentes segmenta commensurabilia DG, GH.

Oporteat horum segmentorum communem maximam mensuram exhibere.



Constructio & Demonstratio.

PONATUR minoresse ratio DE ad FG, quam FG ad HC (nam si eadem sit ratio, erunt superficies ambæ æquales per tertiam huius) minor itaque erit superficies DG quam superficies GH per secundam huius. Continuetur ratio DE ad FG quoties potest, intra terminos DE & HC, scilicet faciendo vt DE ad FG, sic FG ad IK, IK ad LM, LM ad HC, idque per Corr. primæ huius. quod si tandem aliqua LM est ad HC vt DE ad FG, tunc superficies ipsa DG est mensura maxima quæ seipsam metitur & superficiem GH, cùm omnes superficies DG, GLIM, MH æquales sint per tertiam huius.

Quod si verò ratio DE ad FG quantum potest continuata per rationes FG ad IK, IK ad LM inter terminos DE & HC, relinquat rationem LM ad HC minorem quam sit ratio DE ad FG (maior enim relinquere non potest, alioquin non esset series rationis DE ad FG continuata quoties continuari potest intra dictos terminos, quod est contrasuppositum) tunc vtendo praxi quæ Euclid. lib. 10. prop. 3. inuenit communem mensuram maximam duarum quantitatum commensurabilium, ratio LM ad HC quæ quidem minor est ratione DE ad FG, auferatur quoties potest à ratione DE ad FG, donec relinquat rationem NO ad FG: quæ si æqualis fuerit rationi LM ad HC, erit inuenta superficies NG communis maxima mensura. quod si rursus ratio NO ad FG minor fuerit ratione LM ad HC, auferatur rursus ratio NO ad FG quoties potest à ratione LM ad HC idque semper fiat alternâ detractiōe, prout Euclides in sua constructione facit, donec tandem relinquatur aliqua vltima PQ ad HC quæ sit vt NO v.g. ad FG. Dico superficiem PC esse mensuram maximam communem superficialium DG, & GH.

Post alternas illas rationum detractiōes manserint tandem rationes vltimæ æquales NO ad FG, & PQ ad HC. Cum itaque ratio LM ad PQ multiplicet rationem NO ad FG, sic vt numeris sit exponibile quoties ratio LM ad PQ multiplicet rationem NO ad FG, erit quoque numeris exponibile quoties ratio

ratio

tio L M ad H C multiplicet rationem P Q ad H C. Sed rursus numeris erat exponibile quoties ratio D E ad N O multiplicaret rationem L M ad H C: igitur & numeris exponi potest, quoties ratio D E ad N O multiplicet rationem P Q ad H C. itaq; cū ratio N O ad F G æqualis sit rationi P Q ad H C ex supposito, etiam in numeris exponetur, quoties ratio D E ad F G multiplicet rationem P Q ad H C. igitur exponi potest per numeros, quoties superficies D G contineat superficiem Q H, per secundam huius: ac propterea superficies Q H metitur superficiem D G. Iam vero quoniam superficies F K, K L, L Q æquales sunt singule superficiem D G per tertiam huius, cum ex constr. ratio D E ad F G continuata sit per rationes F G ad I K, I K ad L M, L M ad P Q, etiam ergo superficies Q H metietur totam superficiem G P: sed & superficies Q H metitur seipsam, igitur superficies Q H, totam superficiem G H metitur. Quod erat primo demonstrandum.

Quod autem superficies Q H sit maxima mensura superficialium D G, G H, sic quidem ostendetur. Si enim superficies Q H non sit maxima communis mensura, ponatur si fieri potest maior superficies S H, determinata per lineam S R asymptoto B A parallelam, quæ utramque commensuret. Igitur superficies H S aliquoties repetita commensurat superficiem G H, uti & superficiem D G, sed & D G superficies aliquoties repetita metiebatur superficiem G L per secundam huius, (nam ex constr. ratio D E ad F G aliquoties continuata, faciebat rationem F G ad L M) igitur & H S superficies commensurat superficiem G L. sed & eadem superficies H S mensurabat superficiem G H, igitur eadē superficies H S aliquoties repetita, mensurat superficiem M H. Sed ratio L M ad H C aliquoties repetita constituēbat rationem D E ad N O, igitur per secundam huius, superficies H S aliquoties repetita mensurat superficiem D O. Sed eadem superficies H S mensurabat quoque totam superficiem D G; igitur etiam superficies H S mensurabit superficiem N G, hoc est ex constr. & secunda huius, superficiem H Q, maior minorem, quod est absurdum. Non igitur alia quam H Q superficies est communis maxima mensura superficialium D G, G H, quod secundo loco demonstratum oportuit.

Corollarium primum.

EX his facillè intelliges idem esse petere mensuram maximam communem superficialium D G & G H, quod petere rationem aliquam P Q v.g. ad H C, cuius rationes D E ad F G, & F G ad H C sint aliquoties multiplicatæ.

Corollarium secundum.

Hinc etiam manifestum est, quod si ratio nulla reperiri possit per alternam illam rationum detractionem, cuius utraque ratio D E ad F G, & F G ad H C sit aliquoties multiplicata, superficies D G, G H esse incommensurabiles.

PROPOSITIO IX.

Ata serie progressionis A, B, C, D, & quavis magnitudine F, quæ non sit in serie rationis A, B, C, D. determinandum est an in vllā serie possit reperiri F, cuius seriei pars sit series A, B, C, D.


atque adeò stupendum planè quod Geometra sibi persuadere cogatur, dari posse lineam, aliquam determinatam, cui in numero linearum infinitis infinitarum la serie continuè proportionalium, dari non possit linea æqualis, etiam si per totam æternitatem in seriebus semper novis & novis eam requisieris; modò prior series semper sit pars novæ seriei cum tamen per interpositas medias semper ad datam F magis & magis accedatur. Nihilominus rigor Geometricus, hunc assensum à Geometrà extorquet.

Atque hinc patet ulterius non rectè Problema à Merfienno fuisse propositum, *Dati tribus magnitudinibus, datisq; duarum Logarithmis, tertia Logarithmum Geometricè Invenire*; planeque contra naturam Logarithmorum id peti; quod absolute semper exhiberi non potest. nam cum Logarithmi seriem continuè proportionalium semper supponant, neque quantitibus assignantur, nisi iis quæ aliquem in aliqua serie locum obtinent, certè perperam petetur Logarithmus eius quantitatis, quæ in nullâ serie esse potest in qua sunt duæ quantitates datæ, quarum Logarithmi sunt dati, talem autem posse esse quantitatem tertiam datam satis superque iam est demonstratum.

Vt igitur legitimo modo propositum sit Problema, convenienterque ad Logarithmorum naturam & exigentiam, sic illud determinare debuisset, quomodo sequenti propositione determinamus, determinatumque ex dictis solvimus.


PROPOSITIO X.

Dati tribus magnitudinibus ABC quæ in vnâ eademque serie continuè proportionalium exhiberi possunt, datisq; duarum è tribus magnitudinibus Logarithmis, scilicet A & B, tertiæ C Logarithmum Geometricè assignare.



Constructio & Demonstratio.


Quoniam rationes A B & B C supponuntur esse in vnâ eademq; serie, igitur potest aliqua ratio exhiberi quæ aliquoties per seipsam multiplicata producat rationem A ad B, & præterea aliquoties etiam per seipsam multiplicata constituat rationem B C: hoc enim proprium est duabus rationibus quæ in eâdem serie sunt constitutæ. Inveniatnr itaque per octavam propositionem talis ratio, quæ verbi gratia dicatur esse eadem cum ratione MN ad L F: eâ habitâ, inquiratur quoties ratio A ad B multiplicet rationem MN ad L F: item quoties ratio B ad C multiplicet eandem rationem MN ad L F: erit itaque vt numerus qui designat quoties



quoties ratio A ad B multiplicat rationem MN ad LF, ad numerum qui significat quoties ratio B ad C multiplicat rationem MN ad LF, ita differentia inter Logarithmos magnitudinum A & B, ad differentiam inter Logarithmos magnitudinum B & C, quare cum tria ex illis quatuor assignata sint, etiam quartum notum esse oportebit.

Exemplo res fiet manifestior si secundum doctrinam positam ad hyperbolam constituentur rationes A B, & B C.

Sint itaque hyperbolæ asymptoti P Q, P F angulum rectum continentes: & fiat vt B ad A, ita P H ad P K, vtque C ad A, ita P H ad P F, assumptis deinde rectis A B C erigantur orthogonaliter ex punctis H, K, F vt rectæ H G, K L, F L æquales sint lineis A, B, C. Quoniam igitur est P H ad P K, vt K L ad H G, & P K ad P F, vt F L ad K I ex constructione, igitur rectangula P G, P I, P L inter se æqualia sunt, ac proinde puncta G, I, L ad eandem hyperbolam sunt, cuius asymptoti P Q, P F. Ponuntur autem lineæ A, B, C hoc est G H, I K, L Fesse in eadem serie alicuius rationis, igitur commensurabiles sunt superficies G K, K L, communem igitur habent mensuram illæ superficies, quæ per octauam inuenta ponatur esse superficies N L, quæ verbi gratiâ quater sumpta nimirum L N, N R, R V, V I adæquet superficiem K L, & bis sumpta adæquet superficiem K G, sunt igitur superficies G Y, Y I, I V, V R, R N, N L æquales inter se, & quia toties ratio G H ad I K multiplicat rationem M N ad L F, quoties superficies G K continet superficiem M F, igitur inuenta P Y mediâ inter P H & P K, erigatur Y X normalis ad P F, vt sit rectangulum P X æquale P G, erit Y X ad hyperbolam G I L, eritque superficies G Y æqualis Y I superfici ei; ac proinde erit superficies X K æqualis M F, & si fiat vt Y P ad H P, ita H P ad P E, erigaturque E D vt rectangulum P D sit æquale P G, erit iterum D ad hyperbolam G I L, & consequenter erunt in continua analogia omnes lineæ D E, G H, X Y, I K, T V, R S, M N, L F, ac proinde superficies illis lineis terminatæ æquales sunt. quare superficies D F eodem excessu superat superficiem G F, quo G F excedit X F, & quo X F excedit I F, & sic consequenter. Vnde hæc superficies supplere possunt locum Logarithmorum datorum quare si Logarithmi dati sunt 6, & 8, erit superficies M F loco Logarithmi 6, & superficies T F loco Logarithmi 10; superficies verò D F Logarithmus est qui inquiritur quantitatis tertiz. Quia verò perhibentur tria esse data, & quartum inquiritur, assumatur pro primo numerus superficialium æqualium, in quas diuisa est superficies G K, per lineam X Y, qui est 2. Pro secundo sumatur numerus partium æqualium, secundum quas diuisa est superficies I F, per rectas T V, R S, M N, qui est 4; & pro tertio, sumatur differentia datorum Logarithmorum 6, & 10, quæ est 4, ita diuisa sicut diuisa est superficies G K, scilicet in duas partes



partes æquales. Quantum igitur requiritur, nempe in numeris intervallum, quodd
intelligitur inter Logarithmū B & C: quod quidem hac ratione exhibebitur. Fiat
ut numerus partium in quas diuisa est superficies G K, hoc est 1, ad numerum par-
tium in quas diuisa est superficies I F, hoc est 4, ita differentia Logarithmorum 6,
& 10, quæ est 4, ad quartum numerū scilicet 8, & diuidatur differentia Logarith-
morum A & B, ut est diuisa superficies G K, nempe bisariam in casu nostro, &
Logarithmus medius inter 6, & 10, repertus sit 8, habebiturque series Logarith-
morum, in quo reperitur Logarithmus qui requiritur, nimirum 18. Nam si diui-
datur differentia inter 10, & 18, quæ est 8, secundum numerum 4, quem exhibuit
diuisio superficiē I F in quatuor partes æquales, inuenietur quodd Logarithmus
qui quarto loco subsequitur Logarithmum seriei 8 ad 10, qui est 18, sit ille qui po-
stulatus fuit. Solutum igitur est Problema, &c.

LECTORI BENEVOLO.



Abes hlc, Erudite Lector, solutionem Problematis à R.P. Marino Merfeno propositi; quod quidem Quadraturâ ipsâ difficiliorem solutionem requirere suspicabatur, & cuius solutione exhibita ipsius quoque quadraturæ solutionem Geometricè expeditam fatebatur, vides autem quàm exactè petitioni eius factum sit satis, cum & casus, in quo Problema erat *admirum*, determinatus iam sit, designatumque præterea quo casu solui poterit, ac tandem legitime propositum, Geometricè, quod petebatur fuerit expeditum.

Fortè quidem non adeo ineptè, nesciet quis cui vsui Problema illud esse possit prout proponitur, ad Dimensionem Circuli absoluendam; verùm ut, ut sit, cum id à Geometris, postulari testetur Censor, opera pretium existimaui me facturum, si votis eorum hac in parte facerè satis. Nam quamvis ad Quadraturam exhibendam cuiquam videri posset minùs conducere, nec admodum in rem nostram facere hoc modo quæ petitur solutio, digna tamen fuit quæ Geometricè expeditur, præsertim cum sine dubio *maiorum ingenia* torfessit id quod quodam in casu, sed iam à nobis determinato, prorsus erat *admirum*. Id ipsi vero cum non nisi ex doctrinâ quam subtilissimo Opere suo Geometrico exposuerat R.P. Gregorius, fuerit deductum, feminaque inibi iam essent iacta, ex quibus solutio etiam illius Problematis, solutiue demonstratio poterat, imò debebat fortassis educi, in comperto iam est, nihil etiam ex hac parte defuisse Operi illi prorsus admittendo, quod ad perfectam, absolutamque Quadraturæ dimensionem requirebat. Atque hoc modo Geometricum quod fuit in Censurâ illâ, quodque vinctum videbatur responsione dignum, Geometricè expediimus.

Ad cetera Censuræ verba quamvis non desit quod respondeam, opera pretium tamen visum non fuit æquis rebus æstimatoribus quidquam reponere, apud quos præclarissimi Geometra: fama cuiusmodi nubeculis obscurari minime potest: præsertim cum D. Gregorium Nyssenum disertè eleganterque proclamantem audiant, *Dedecus esse viri prudenti, non sanè conuictum audire, sed ea quæ dicuntur conuicta retorquere*. Quod si in prudentem virum cadere non possè iudicet verbis ut altercet, verbiq; verba tantum ut reponat, certè id longè à Religioso homine alienum esse debere potiori iure iudicui ego, iudeantque illi quorum etiam natus obseruo, cum non sine aliqua charitatis Religiosæ imminutione & dispendio, id ipsum præstari possit, quantumcumque modestè eiusmodi dicta exagitantur.

Addè, quod cum Geometrica sit hæc res, Geometricæque tantum debuerit expediti, mearum partium planè non sit, imò nec Geometrae vllius, leges à Geometria præscriptas vel ad latum vnguem transilire; hoc est, quidquam præter veritatis propositionem, propositæque demonstrationem adferre. Dudum iam nobis limites illos præstantissimus, Antiquitatique notus Geometra Serenus præstitutos esse docuit Prælat. ad Lab. Primum. *Aburdum enim inquit omnino videtur Geometrae de Problemate Geometrico sine demonstratione quidquam affirmare: oratio enim probabilis, & sine vlla artificia, à Geometria alienissima est*. Qua propter, ne & ego limites illos transgrediar, perperamque multa de Problemate Geometrico sine demonstratione vllâ affirmantem videar insectari, superfedendum mihi fuit labori illineque quidquam in defensionem R.P. Gregorij visum est apponere, cum eum tam luculenter copioseque ipsa propugnet, imò & à iudicio Merfenniano planissimè absoluat, uti iam vidimus, quæ Geometris omnibus venerationi esse debet, Antiquitat.

Antiquiorum verò vestigijs imbare, demonstrationibusque verè Geometricis rem vrgere cum sibi propositum semper habuerit Auctor, nihil admodum mouetur dictis illis extra rem, hoc est, præter meram Geometriam quæ sunt. *Non enim potest, ut rectè Seneca, generosus animus contumeliam pati: nec fanè pati censendus est, qui non mouetur, neque rectè quidquam pati columnam suâ mole stantem*

tem

tem quis existiganerit, si leui perstringatur afflatu, inconcussa cum sit. Manet inconcussa veritas si verbis tantummodò impetatur, præsertim cum apud veritatis indagatores ingeruntur, eaque in causâ, in qua non tam dicentis auctoritas, quàm diætorum dilucida exactaque demonstratio, momentum omne pondusque solet adferre, imò assensum, etiam inuitis, extorquere.

Verùm auctoritate etiam agendum si foret, plurima ad manum sunt Geometrarum Encoelia, quibus præstantissimum virum extulere iam pridem, quæque non ex Hispaniâ modo, Italia, Germaniâ, Angliâ, Daniâ, imò & ex ipsâ Galliâ, ab Opere euulgato, perquam honorifica perscriptæ re; eaque his etiam longos apparatu possem inferere, si id viri de se suisque rebus modestissimè sentientis pateret, tur modestia, insignisque quàm præ se tulit semper, animi submissio.

Neque quis mihi succenseat, auctoritatem ipsius viri tam benè de Geometriâ meriti, hæc etiam in causâ, auctoritate si certandum est, auctoritati si opposuero. Certè viris est qui à quinquaginta fere annis indefatigabili planè studio, constantiaque prorsus admiranda Geometriæ semper incubuit: in Belgio, Austrâ, Bohemiâ, Romæ à multis iam annis celebratur. Geometriam non scribendo tantum, sed & docendo ita prouexit, vt discipuli eius non Lonanij modò, sed & Dolæ, Monasterij, Pragæ, Græci, Madriti alijque locis Mathematicas disciplinas cum laude docuerint, partim doceant etiam hoc tempore: interim modestus adeo, vt cum eum Archimede alterum alij, alij Apollonium, Magnum Geometram alij litteris inscriptis, & non immeritò passim compellent, id ipsum non sine rubore perlegat: quodque mirandum magis, nequidem illi vt succenseat, qui, vt nonnumquam sit, calculo quantumvis nigro immerentem designarit.

Sed quid hæc assero, cum res ipsa clamet tacente me? Certè Proportionalitatum liber, vt alium nullum exhibuisset Auctor, eiusmodi vilis est summis viris, eosque morus animorum excitauit, vt non tantum subtilissimi Geometrarum ingenij prorsus obitupuerint, sed & plurimum ei Geometriam ipsam debere ingenue professi sunt sapientius, vt pote qui illius limites, nouam quasi inauditamque efformando Geometriam, tantopere pronexerit. Cui enim hæcenus in mentem venit de rationibus similibus dissimilibusque perinde disputare, rationumque quoino rationes, etiam maximè inter se dissidentium, comparare, reducere, augere, detruncare? Id certè ausu ingenti, parique felicitate aggressus est R. P. Gregorius quod alius nemo, Proportionalitatesque primus hoc modo Geometricè exposuit, deduxit, complanauit. Quæ certè eiusmodi rerum Geometricarum æstimatoribus visa iam sunt, vt inter præclara huius sæculi inuenta merito collocarent, iudicari neque inuidiam ipsam viro gloriam detrudere si capiat, nequidquam cupere.

Quid alia memorem, quæ toto Opere passim occurrunt præclarissima ingenij monumenta, quæque Antiquitati nihil quidem detrahunt, at nihil cedunt? Certè Progressiones Geometricæ, etiam in infinitum excurrentes, ad Geometricum ab ipso redactæ sunt rigorem, terminisque quod mirere, etiam conclusæ. Varia ex vario Planorum in Plana ducta nouaque effinguntur corpora, explanantur, cubantur quin imò plurima, pleraque verò ad corpora reducuntur quæ nota in habeant basim, altitudinemque notam. Stupendam illam Parabolæ cum Archimedæâ Spirali symbolizationem exprimit, quam primus Geometra hic adinuenit, & ab annis quatuor & viginti diu tamen antè à se inuentam cum summo Geometrarum applausu Romæ exposuit, quod disertis tunc hæc de re conscriptis litteris, testimoniisque planum facere possum cum opus fuerit: dilucidè autem demonstrat, nullam prorsus ab Archimede Pappoque proprietatem quantumvis abstrusam Spirali competere, (competunt autem planè admirandæ) quæ non suo modo Parabolæ accommodetur: adeo vt Spiralem Archimedæam meritis quis dixerit Parabolam esse euolutam. Vngulæ seu segmenti cuiusdam cylindrici cubatione, imò & superficiæ tam exoticæ, vt quæ tota semicirculo semiellipsique clauditur, arcum quadrando determinat, imò Vngulæ huius, quod mirabuntur Geometrarum, cum Sphæræ symmetriam, omnimodamque concordiam primus exponit. Sphæroidium, Conoridium item Parabolicorum, Hyperbolicorumque proprie-

tates præcipuas aperit. Varijs expeditisque modis Parabolam quadrat, imò & Hyperbolam ipsam intactam hætenus indomitamque figuram in Quadratum cogit. lucundissimas, abstrusissimasque Conorum & Conicarum sectionum (taceo Circulorum, triangulorum, rectangulorum, linearumque) proprietates inuenit, demonstrat, ac demum è Cono suo in quo hætenus delituerant, detractas, ad plana deducit, vereque Geometricis terminis tandem concludit. Conicarum vero sectionum doctrinam, abstrusam hætenus, & non nisi summis Geometris peruiam, exponit adeò dilucidè, vt in illo negotio sine vilo Apollonij adminiculo, à quouis Geometrà, non minus quam ipsa Euclidis elementa percipi rectè possint. Quæ certè omnia eiusmodi quinis æquus arbiter esse indicabit, vt cum summis quibusuis componi possint: & licet talia esse non agnoscat fortassis vnus aliquis, tota certè admiratura isthæc est retro posteritas, gratulabiturque huic æuo talem quod tulerit Geometram, quem Antiquitas ipsa, etiam si Quadraturam circuli non attingisset quidem, non immeritò suum vellet.

Et in his omnibus, quodd magis stupas ne Propositionem quidem vnicam ex alienis quasi hortulis studio excerptis, (excerpsit autem admodum paucas) quàm non immutata demonstratione, aut si Problema foret etiam constructione variata, propriam fecerit: easque tum quoque laudato Auctoris nomine, Auctori acceptas referat. Studio, inquam, si excerptis: nam vt limitatum hominis ingenium non est, ita plures in eandem veritatem incurrere potuisse, non negamus. Lege, si placet, quid Pag. 221. ingenuè profiteatur, vbi se in Seteni speculationem incidisse vidit: sed ingenuè nimis: cum plurima isthic sint à Sereno non propo- sita, omnia verò aliter demonstrata. Item Lib. 2. ad Prop. 36. cum eam propositionem à Clauio expolitam, alio tamen quàm ipse modo expeditisset, disertis verbis asserit suam non esse, sed exercitij gratià à se solutam. tum subdit: *Neque enim propositionem statui meam lucubrationibus interfecere, quàm diuersi discursus demonstrationem meam non fecero, vel Auctoris nomen in publicum non protulero.* Ne propositionem quidem vnicam etiam à se aliter demonstratam, ab alio propo- sita modo sit, sine Auctoris nomine protrudere se velle ait: ablit igitur, vt religiosissimum virum dolo malo quis suspicetur nomen illius suppressurum, si ita etiam per vrbem sese haberet res, qui ei nouam speculandi materiam suggerendo, facem ad Quadraturam adyta referenda prætulisset. Non alienis indiget fulcris qui mole stat sua: neque alienis sese plumis putidè exornare debet is, cui domiest non curta suppellex, quæ plura etiam volumina posset exornare, quemque vita citius quam nouæ in Geometria veritates, nouaque incubrandi materia deficient. Quod si ex vngue Leon dignoscitur facile ex tali opere felicissima P. Gregorij inexhausta que vena diuidi- cabitur.

Hæc verò quæ publici iuris iam fecit tanta cum sint, tamque varia, non mirabitur quis in tantam molem Opus hoc excreuisse, cum singulæ, quas paulo antè recensui, materia, iustum Volumen sic quasi solitariè editæ constringere potuissent, etiam si ad Quadraturas Circuli nullo modo fuissent directæ. Quid autem nocuit simili edit? certè argentea aureaq; suppellex vno in atrio continet & ex arte disposita, maiorem intuentibus admirationem ingerit, quàm si per partes distracta, varijsque in conclauibus videnda proponatur.

Rursus autem quomodo materiæ illæ hætenus intactæ, aut obscurius saltem propo- sitæ Quadraturis rectè adhiberentur, sic vt Lectorum animis nondum his satis imbutis plenè satisfacerent, nisi earum natura penitus esset euoluta, enucleateque propo- sita? id autem nullo modo fieri potuisset, nisi multarum propositionum quasi farragine confarcirentur libri singuli. Præambulum quod Libro secundò præmittit Auctor si placet inspice, illic consilij sui rationem dat. sic habet. *Præfatus liber quem de Progressionibus scribimus, omnino necessarius est ad serendam viam, quam inimus Circulo ad quadratum reducendo. Non ita tamen hoc velim intelligas, vt omnes omnino Propositiones, quæ in toto eius decursu reperiuntur, ad eum finem requiri credas: sed quod sine usu huius libri, quoad partes maximè principales, difficulter ad scopum peruenire quis possit: exigerat autem huius Libri argumentum, ad doctrinam ser-*

*nam velleliter concinnari, & cognatâ materiâ exornari, ne setum imperfectum edere-
mus. Idem de sequentibus Libris iudicium ferre dignabere.*

Vt clariùs tamen facti rationem exponam, dicam omnia. Geometris scribeban-
tur hæc, quibus non solum Quadratura circuli orexin mouet aut explet. alia nam-
que habet Opus hoc, Dimensione Circuli haud inferiora, vt non semel à multis
iam annis vir in Geometricis expeditissimus Christophorus Grienbergerus So-
cietatis Iesu, publicè ore litterisq; Romæ professus est: quæ præterquam
quod ad Quadraturam manu deducerent, & quasi viam aperirent, non mino-
rem ipsâ plausum, quàm Quadratura merebantur, cum ea planè forent ipsius
tunc quidem iudicio, nunc autem & plurimorum qui sine partium studio rem,
prout est, diiudicant, quæ cum Antiquorum omnium elucubrationibus poterant
comparari.

Iam verò quis merito id ægrè ferre potest, Quadraturæ circuli nomen Operi
tam admirando fuisse præfixum? Quadraturam certè si dederit, non poterat id
sanè modestioribus explicari verbis, imò sat dignis exponi vocibus haudqua-
quam potest. Eam se dedisse Auctor, cum Opus ederet, planè iudicabat, iudi-
catq; etiam nunc, imò magis quotidie confirmatur in sententiâ, quidquid ali-
qui fortasse secus, nescio quo scrupulo, sentiant. Vt quid ergo non planè loque-
retur, vt quid distorquendo verba, omniumq; molliorè sententiâ, insinua-
ret dubitare se, quasi causæ suæ vlllo modo diffideret?

Quod si verò etiam theorematice tantum Dimensionem Circuli absoluisset, ne-
tum quidem quidquam fortè, quod elatiorem esse libri titulum quis posset crimi-
nari. Certè Theorema suum Archimedes, quod tribus omnino propositionibus
expediuit, Dimensionem Circuli siue Quadraturam indigitauit. neque quisquam
id ei à totâ antiquitate vitio vertit. Potuit itaque tres illas propositiones, quæ
elegantissimæ licet sint, solum Theoremâ continebant Dimensionem Circuli in-
scribere Archimedes, non poterit verò R. P. Gregorius subtilissimam illam, tot-
que implicatam propositionibus demonstrandi viam, quæ veluti Ariadnæ filo
Theseus alter labyrinthum ad eâ intricatam ingressus est, impeditisq; semitas
labore improbo, eoque plusquam Herculeo explicuit, felicitate autem sum-
mâ cuius aperuit, eam inquam non poterit prætenso Quadraturæ titulo Geome-
tris porrigere, ac veluti in manus dare?

Vt videret, Quadraturamq; problematicè non dedisset Auctor, scio ego
seintque rem qui excussere, ipsam Quadraturæ inuestigandæ rationem, mai-
orem apud Geometras admirationem excitasse, quàm ipsa, Archimedæz insitit. es-
do vix, exhibitio Quadraturæ potuisset exprimere; maioremq; apud Iudices
non præoccupatos partium studio, sibi vt Geometræ subtilissimi famam, existi-
mationemq; peperisse, hac methodo quadraturam quod indagaret, quam quod
inueniret inueniri eam potuisse non mirantur Geometræ: hæc verò viâ tam in-
audita, nonquamq; expectatâ quæri quod potuerit, id enim verò nemo est qui
non obtuisset. Delectationi etiam summa est Geometris videre, aliâ ex parte
emeruisse veritatem hanc, quæ in Geometriz latebat fundo, quàm aliâ expecta-
bant emerituram. sic nescio quid iucunditatis afferat, alio effodi thesaurum loco,
inueniriq; gemmam, quæ alio prorsus, irritò studio nequidquam quære-
batur.

Quod si quid interim occurrerit alicui minùs quod placeat minùsque quod
faciat satis, iudicium certè Geometricum non declinat Auctor; Geometricum
modo verè id fit. Vt enim se hominem nouit, ita & nihil humani à se alienum pu-
tat. orat quinimo vt scripto typis edito, agitur potius discutiaturque res, quàm
vt tacito murmure, per hominum ora volitet nescio quæ fama obscurior, quæ li-
cet non euerat, obnuilat tamen apud horum ignaros, aut apud eos quibus non
vacat siogula discutere, obscuratq; famam celeberrimi Geometræ. Quod si
quis typorum difficultatem refugiat, litteris certè scriptis, commodissimè con-
fici res tota potest. sufficit autem Geometræ esse, vt gratissima sint acceptissi-
mæque, cuiuscumq; demum etiam ignoti P. Gregorio litteræ, noui enim hu-

manitatem facilitatemque vini, fortassis enucleabitur sic magis ipsa veritas, elucidabiturque si quid obscurius, ut in re non à fieri assolet, occurrerit; pluraque ex pacto in lucem fortasse venient, quæ in fundo ignorantia, non sine Geometriæ detrimento latuissent. Verùm Geometricè, si placet, agatur res, per nudas veritatum propositiones, demonstrationesque; neque pluribus opus est, ubi veritas sola inquiritur.

Quòd si error detegatur, tantum abest ut odium paritura sit Veritas, quòd quidem apud inanis gloria: futes captatores, vanosque locum habet, ut gratias etiam amplissimas Benefactori suo acturas, habiturusque sit Auctor: cum enim summum malum quod intellegni potest obtingere, sit error, certè errorem detexisse, quod planè eum sanæ menti est detraxisse, non potest non summum esse beneficium, atque ita apud aequos Veritatis indagatores, æstimatoresque, Veritas amicitiam parit.



PARS SECVNDA

Quâ Propositionum 5. 6. 7. 8. 12. & 54.

Quæ Lib. 10. Operis Geometrici

R. P. GREGORII A S.^o. VINCENTIO

CONTINENTVR

GENVINVS SENSVS DECLARATVR.

P R Æ F A T I O.



Vorundam ingenia, qui pro studio quo in Quadraturam Circuli ferebantur, sedulo tam & Geometricè examinare voluerunt, veritatemque propositionum, ad calculos reuocare, torserunt Propositiones quædam, quæ in Libro 10. Operis GEOMETRICI R. P. GREGORII occurrere, erant quas modò præfixi, 5. 6. 7. 8. 12. & 54. Quadraturarum ut ita loquar fundamenta & bæs. Quæ quidem, ut non dissimulem quod res est, breuissimæ quod sint, obscuriores sunt, neque aded ad percipiendum faciles; & tamen eiusmodi, ut si vel minimum ab earum mente defleat, natæ sint in errores haud contemnendos Lectorum animos abducere, prout id nonnullis Geometris reipsâ accidisse comperio. Sed quomodo Auctori intentem incidisse poterat, non eò modo intelligendas propositiones suas, quem earum naturâ ferret, aut verborum sensus naturæ rationum, de quibus agitur, accommodatus?

Visum itaque fuit è re esse cum obicere tollere, remque ipsam subtilitate sua sanè difficilem, & distortò veritatis sensu maleque percepto magis intricatam, quoad in me erit, paucis complanare, ne cuiquam hac ex parte posthac iniiciatur mora. Neque id à me præsertim attentari quisquam miretur, ægrèue ferat: nam licet Auctor ipse materias illas fusiùs elegantiusque alio quod molitur, ut dixi, volumine, susceperit explicandas, non videbatur tamen diutiùs expectandum, præsertim cum hæc sese occasio commodum obtulisset, satisfaciendi eorum desiderio, quibus hæc in parte aliquid, præter data, requiri videbatur.

Pro-

Prodromus erit itaque tractatus hic, & quasi prælusio venturi Operis. Omnium verò quæ deinceps dicturus sum sensum, ex ore Auctoris accepi, & sæpius quidem non vno tempore, nec vno modo datâ operâ ab eo expressum; quem vt percipere mihi visus sum, tum denique prout mihi quidem videbantur intelligenda, exposui. Quæ, si Lectori Beneuolo arriserint, dubiisq; si fecerint satis, id certè Auctori ipsi acceptum referat: obscuriora verò si fortan fuerint, id mihi omnino adscribi volo, vt qui rem subtilissimam, calamo saltem exprimere, non vsque adeò feliciter potuerim. Fortassis tamen erit qui me intelligat. Propositionem verò ipsam, quàm vnicam pono, si quis primâ fronte non perceperit, Corollaria ipsa sedulo peruestiget, & tum demum patebit feliciter res fuerit euoluta. Rem itaque prout possumus, ordiamur.

Atque à Propositione quintâ & sextâ in quibus prima, imò vt patebit, vnicâ erat difficultas, auspicemur.

Prop. 5. ita se habet. *Data sit ratio A ad quamvis aliam quantitatem diuisam in B & C. Dico quod ratio A ad B excedat rationem A ad BC, ratione C ad B.* Propositio verò 6. hanc destruere videtur, quæ sic se habet. *Isdem positus. Dico rationem A ad BC aequari rationi A ad B, minus ratione C ad A.*

In his verò propositionibus cùm contradictio primâ fronte appareret, Scholion benè longum adiectum est, in quo & sensus earum exponitur, & contradictio declaratur. Verùm cùm & illud obscurius adhuc visum sit aliquibus, Propositiones has duas, aut potius vnicam, nam reuerâ in idem incidunt vt mox apparebit, hic exponimus Propositione vnicâ, positamq; demonstramus: deinde per Corollaria, ex hac vnicâ propositione deducta, rem totam explicamus. Ex quibus liquido apparebit, quorundam dubia, quæ deinceps exponentur, ex distorto tantùm huius veritatis sensu ortum duxisse; propositionemq; ipsam, alium quàm hic eliciamus sensum, habere non debuisse, imò nec potuisse secundùm mentem Auctoris.

P R O P O S I T I O.

D Aca sit quævis ratio A ad B C, cuius consequens diuifum fit in B & C.

Dico quod ratio A ad B excedat rationem A ad B C, aliquo excessu rationis, quem determinat ratio C ad B, collata ad rationem B C ad B.

A	
12	
B	C
2	4

Aut vt alijs quidem verbis, sed in idem recidentibus, vtat.

Dico rationem A ad B excedere rationem A ad B C aliquo rationis excessu, qui ad rationem maiorem A ad B, fit vt excessus rationis quo ratio B C ad B excedit rationem B ad B, scilicet vt ratio C ad B est ad rationem B C ad B.

Demonstratio.

Ratio A ad B est ad rationem A ad B C, vt B C linea est ad B, per 7. de Proportionalitatibus P. Gregor. sed vt B C est ad B, ita est ratio B C ad A, ad rationem B ad A, per 2. eiusdem: igitur vt est ratio A ad B ad rationem A ad B C, ita est ratio B C ad A, ad rationem B ad A. Sed ratio B C ad A, superat rationem B ad A, sicut B C superat B, colligitur id ex 114. eiusdem: igitur etiam ratio A ad B, superat rationem A ad B C, sicut B C superat B. sed B C superat B excessu C qui fit v.g. duarum tertiarum totius B C: igitur etiam ratio A ad B superat rationem A ad B C excessu qui fit duarum tertiarum rationis A ad B. Sed duæ tertie rationis B C ad B sunt ratio C ad B: igitur ratio A ad B superat rationem A ad B C ratione aliquâ, quæ fit ad rationem A ad B, prout ratio C ad B est ad rationem B C ad B. Quod erat demonstrandum.

Corollarium primum.

Hinc patet primò quomodo errent ij, qui in numeris examinare propositionem hanc dum volunt, hoc modò procedunt.

Sit, inquit, A 12, B C verò hoc est 6 diuifum in B quod fit 2, & C quod fit 4. Ratio A ad B est sextupla vt 12 ad 2: ratio verò A ad B C est dupla vt 12 ad 6. Excessus autem rationis sextuplæ super duplâ est ratio quadrupla, & tamen in propositione iam dicitur quod excessus fit ratio C ad B, hoc est 4 ad 2 quæ est dupla. igitur ratio dupla & quadrupla, eadem sunt rationes. quod manifestè falsum est.

A	
12	
B	C
2	4

Et hanc quidem tam liquidam demonstrationem putant, quàm vlla in Geometria dari possit. Verùm manifestè ostendit se propositionem hanc penitus non percipere quisquis eam hoc modo numeris applicat, ac propterea nullo modo mirum est tam apertam falsitatem ex eâ perperam intellectâ deduci. Primò enim incommodè rationem A ad B comparatam cum ratione A ad B C vocant sextuplam comparatam cum duplâ. Deinde falsum supponunt dum dicunt excessum quo ratio A ad B excedit rationem A ad B C esse rationem quadruplam. Primum iam deduco, secundum Coroll. sequenti exponam.

Imprimis discrimen est in modo exponendi rationes A ad B, & A ad B C si sumantur absolutè, & si respectiue ad sese inuicem comparatæ accipiantur. Absolutè enim loquendo ratio A ad B, si ad nullam rationem respectum dicat, est

D ratio

A	
12	
B	C
2	4

ratio sextupla: hoc est numeri 6 & 1 sunt minimi numeri quibus ratio A ad B exponi potest; vti & ratio A ad BC eodem sensu est dupla; & tamen si relativè sumantur, hæ rationes ad se invicem, sunt vt tripla ad simplam: cum enim ratio A ad B ad rationem A ad BC sit vt BC ad B per 7. de Proportional. hoc est vt 6 ad 2, siue vt 3 ad 1, clarum est rationem A ad BC non bene exponi per rationem sextuplam ad duplam, nam hæ ipsa ratio sextupla ad duplam, adhuc in minoribus terminis exponi potest, scilicet quòd sit vt tripla ad simplam. Reducatur itaque hæc ratio 12 ad 2 ad minimos terminos, prodibitque ratio 6 ad 1. item ratio 12 ad 6, reducatur ad minimos terminos, quorum antecedens sit etiam 6, prodibitque ratio 6 ad 3. erit itaque ratio A ad B ad A ad B vt $\frac{1}{2}$ ad $\frac{1}{3}$, apparebitque quod illæ rationes ad minimos numeros reducantur, sint vt 3 ad 1, hoc est vt ratio tripla ad simplam.

E	
30	
D	
24	
B	C
2	4

Manifestius autem apparebit discrimen inter duas has expositiones rationis, si loco A assumatur quavis D 24, aut E 30. remanentibus B & C. nam rursus ratio D ad B collata cum ratione D ad BC, aut ratio E ad B collata cum ratione E ad BC, est vt C B ad B per 7. libri de Proportionalitatibus. quapropter semper est ratio tripla collata cum simpla:

& tamen si absolutè sumantur, ratio D ad B est ratio duodecupla, ratio verò D ad BC est ratio quadrupla: vti & ratio E ad B est ratio quindecupla, ratio verò E ad BC, est ratio quintupla. & absolutè sumantur, nã vt sic, minoribus numeris hæ rationes exponi non possunt. Reducantur autè hæ rationes ad numeros minimos cõmune habentes antecedens, vt relativè inter se comparatæ, possint exponi iuxta sensum Propositionis 7. de Proportional. erit ratio D ad B quidem vt 12 ad 1, & ratio D ad BC vt 12 ad 3; quare cum 12 sit commune antecedens, erunt ad se invicem hæ rationes vt 3 ad 1. Et rursus rationes E ad B, & E ad BC reducuntur ad numeros minimos qui commune habeant antecedens, prodibuntque rationes 15 ad 1, & 15 ad 3: quæ rationes cum rursus inter se sint vt 3 ad 1, patet rursus rationem E B comparatam ad rationem E ad BC esse rationem triplam comparatam cum simpla.

Nihil ergo inauditum aut mirum supponit discrimen illud quod statuiimus in expositione rationum absolutè aut respectivè sumptarum, si rectè percipiatur; nam id etiam locum habet, quando inter se comparantur rationes quæ commune habent consequens, quomodo communiter hæcenus rationes inter se fuerunt comparatæ. Sit enim ratio L ad N, & ratio M ad N; ratio L ad N est duodecupla absolutè sumpta, vti & ratio M ad N est sextupla: nam ratio L ad N solitariè sumpta minoribus numeris explicari non potest, quam per 12 ad 1, & ratio M ad N non minoribus quam per 6 ad 1.

& tamen si comparetur ratio L ad N ad rationem M ad N, hoc est si rationem quam habet 12 ad 6 ad minimos terminos reducere velis, dicetur quod ratio L ad N ad rationem M ad N, sit ratio dupla comparata cum simpla siue vt 2 ad 1. Eodem modo, ratio quidem A ad B est sextupla, & ratio A ad B C est dupla absolutè sumpta, sed quando inter se conferuntur, easque sic collatas minimis numeris exponere vis, non rectè dices esse rationem sextuplam & duplam; non enim illi sunt numeri minimi, in quibus exponi possunt rationes dictæ, nam sextupla

A	
12	
B	C
2	4

sextupla & dupla cùm rursus inter se sint vt 6 ad 2, minoribus adhuc numeris commodius exponi possunt & debent, dicendo quòd sint vt 3 ad 1. Quid autem hæc expositio, reductioque ad minimos terminos commodi afferat mox apparebit.

Atque hoc est mysterium, quòd Lib. 10. Operis Geomet. Prop. 6. in Scholio assumptum fuit; quod fufius explicare operæ pretium duxi, ne quis latebras putide isthuc quæritas fortasse suspicietur.

Corollarium secundum.

Patet secundò manifestè excessum ipsum quo ratio A ad B superat rationem A ad B C, quem dixit Prop. 5. esse C ad B, etiam non esse absolutum, sed respectiuum; adeoque errare planè eos qui putant excessum quo ratio A ad B superat rationem A ad B C esse rationem quadruplam.

Cùm enim ratio C ad B non tantum excessus sit rationis A ad B supra rationem A ad B C, sed & rationis D ad B supra rationem D ad B C, imò & excessus cuiuscumque demum E ad eandem B, supra rationem B ad eandem B C; ratio autem C ad B si absolute sumatur semper sit dupla, cuiusmodi vniuersam vel leuissimè Geometricis titulo in mentem venire posset, quòd ratio A ad B superet rationem A ad B C excessu C ad B; item quòd ratio D ad B superet rationem D ad B C, denique & rationem E ad B superet rationem E ad B C eodem excessu; ac propterea rationes A ad B vel D ad B aut E ad B superare eodem planè excessu absoluto, rationes A ad B C, vel D ad B C, aut E ad B C, singulas singulas: quod tamè dici deberet si excessus C ad B absolute sumatur. Id autem quam turpe foret suspicari à Geometrà subtilissimò pronunciatum esse, res ipsa clamat; cùm falsitatis à minimo quoque Geometrà argui possit.

Longè aliter intelligenda hæc sunt, prout in Scholio ad Prop. 6. Lib. 10. Operis Geomet. rectè sunt exposita. quæ si cui obscuriora videantur, hic expono intelligenda quæ sunt, prout ea perceperunt ij qui nodum in scirpo non quaerunt.

Dico igitur, iuxta demonstrata, rationem A ad B superare rationem A ad B C excessu rationis quam determinat ratio C ad B non qualiscumque, sed collata cum ratione C B ad B, vt asserit 5. Prop. lib. 10. aut vt 6. eiusdem, quam determinat ratio C ad A relata ad rationem B C ad A: Nam reuera hæc duæ propositiones, ad eò sibi contrariæ non sunt, vt sint planè identicæ; cùm ratio C ad A ad rationem B C ad A, item ratio C ad B ad rationem B C ad B, sint vt C ad B C per 2. h. de Proportional. cùm consequens singulæ binariæ rationes eommune habeant.

Itaque vt clariùs adhuc loquar, si tot partes rationis auferantur à ratione A ad B, quot partes rationis C B ad B aufert ratio C ad B, relinquetur tandem aliqua ratio quæ æqualis sit rationi A ad B C.

In numeris id sic declaratur. Ratio B C ad B sit vt 3 ad 1; & quia ratio A ad B collata cum ratione A ad B C est vt B C ad B, erit etiam ratio A ad B ad rationem A ad B C vt 3 ad 1, seu vt triplam. excessus autem quo B C superat B est C, hoc est 4. cum C positum sit 4 & B 2. itaque C est ad B vt 2 ad 1. Iam vero cum ratio C ad B conferri debeat cum ratione B C ad B, hoc est dupla cum triplâ, auferet ratio C ad B duas tertias rationis B C ad B: adeoque & excessus quo ratio A ad B superat rationem A ad B C, erunt duæ tertie rationis A ad B.

Non igitur excessus rationis A ad B super rationem A ad B C est ratio quadrupla vt illi volebant, sed sunt quatuor partes rationis A ad B hoc est sextuplæ, quæ æquales sunt duabus tertijs rationis triplæ.

	E
	30
	D
	24
A	
12	
B	C
2	4

A
12
B C
2 4

Corollarium tertium.

			E
			30
H			
10			
			D
			14
G			
8			
			A
			12
F	B	C	
4	2	4	

B, hoc est 4 ad 2; item ex ratione D ad B remanebit ratio G ad B, hoc est 8 ad 2 & ex ratione E ad B remanebit ratio H ad B hoc est 10 ad 2, quæ æquales erunt rationibus A ad B vel D ad B, aut E ad B singulæ singulis, ut consideranti clarè patet.

		I
		12
M		
3		
K	L	
2	6	

rationis I ad K super rationem I ad K L, sunt tres quartæ rationis I ad K, itaque auferantur à ratione I ad K tres quartæ, quod fiet si ab I antecedente auferantur tres quartæ scilicet 9, remanebitque M 3, adeoque & ratio M ad K 3 ad 2 quæ æqualis est rationi 12 ad 8.

Patet tertid quis denique excessus, & quomodo detrahendus sit etiam in numeris, à ratione A ad B, ut remaneat ratio æqualis rationi A ad B C iuxta sensum propositionis. à ratione enim A ad B, item à ratione D ad B, & à ratione E ad B, detrahendæ sunt duæ tertiæ rationis A ad B, item duæ tertiæ rationis D ad B, denique duæ tertiæ rationis E ad B: quod quidem fiet si A, D, E ita diuidantur ut diuisa est B C in B & C; hoc est, auferantur ab antecedentibus duæ tertiæ, remanebit enim ex ratione A ad B ratio F ad

Quod si aliud exemplum exercitiij causa placeat: sit ratio I ad K L ut 12 ad 8; sit autem K L diuisum in K 2, & L 6, ratio igitur I ad K ad rationem I ad K L est ut K L ad K, hoc est ut 8 ad 2, siue ut quadrupla ad simplicem: excessus autem K L super K est L, 6, ratio autem L ad K siue 3 ad 2, continet tres quartas rationis K L ad K. excessus itaque

Corollarium quartum.

		A
		12
D	E	F
4		8
B	C	
2	4	

B C diuisum est in B & C, aut contra. Nam sicut si à ratione A ad B auferas duas tertias, quod fiet si A ita diuidatur in E, ut EF sint duæ tertiæ totius A, remanebit ratio DE ad B, æqualis rationi A ad B C: ita si ad B addas C duplum ipsius B, sic ut C sint duæ tertiæ totius B C, erit ratio A ad B per additionem C ad consequens B, diminuta duabus tertijs rationis A ad B, nam ratio A ad B C, per additionem ipsius C, æqualis sit rationi DE ad B, quæ duabus tertijs minor est ratione D F ad B hoc est A ad B: eodem modo sicut ratio D F seu A ad B, per ablationem duarum tertiarum totius D F, scilicet per ablationem EF, redditur diminuta duabus tertijs rationis D F seu A ad B, remanet enim ratio D E ad B.

Tota

Tota itaque hæc diminutio rationis, fit per simplicem additionem ad terminũ consequentem; quod bene notandum est; nam per additionem ad antecedens, augmentatio fit rationum, quo modo enim additur ratio $\frac{1}{2}$ ad $\frac{1}{4}$, nisi augendo 6 per 4 manente consequente inuariato vt fiat $\frac{3}{4}$; eodem modo fiet diminutio rationum, aut diminuendo antecedens, aut certe vt hic fit, per simplicem additionem ad consequens, manente inuariato antecedente.

Atque hæc est doctrina 5. & 6. Prop. 110. Operis Geom. quam demonstratiuè certum esse nemo negauerit. Neque quis dicat in terminis sic non fuisse propositam, nam præterquam quod mox in Scholio mentem suam Auctor ipse satis explicaret, alium scilicet Propositiones ipsæ admittere non poterant, vt demonstratio ipsa satis indicabat: neque propositiones sese inuicem vt videbatur destruentes, sed reipsa idem dicentes simul iungere, in vllam Geometram, ne dicam in P. Gregorium vniquam cadere potuisset, nisi studio id ipsum fecisset ad explicandum fufius intricatam rem; quod sanè luculenter in Scholio mox præstitit.

Libet tamen ostendere propositionem etiam vt iacet non aliter debuiffe intelligi. Cùm enim rationum A ad B, & A ad B C denominatores sint C B, & B, non poterat excessum illarũ rationũ determinare, nisi per excessũ denominatoris B C super denominatorẽ B; excessus autẽ erat C. Iã verò cũ excessus ille C fit antecedens rationis C ad B, illius nempe qua ratio A ad B dicitur excedere rationẽ A ad B C, clarũ erat referendũ excessum illũ ad aliquam rationem cuius pars erat ratio C ad B. Illa autem ratio necessariò erat ratio C B ad B, quæ ad rationẽ B ad B, omnino ita se habet, vt ratio A ad B ad rationẽ A ad B C. Patet igitur propositionem 5. & idem est de 6. quæ eadẽ est, prout iacebat, non determinare excessum rationis A ad B super rationem A ad B C, nisi per excessum qui respectiuius est modo iam explicato, & non absolutus. Sed quia id obscurius poterat esse, idcirco adiectum Scholium, claritatis, vt dixi causa, non necessitatis.

Verũ ad alias Propositiones gradum faciamus.

Corollarium quintum.

EX his probè intellectis, Patet 5. nullo modo chymeticam esse Prop. 7. l. 10. sed veram planeque certam ac Geometrà dignam. Ea asserit si cõsequens sit diuisum v.g. in B & C, quod ratio A ad B C, sit ratio A ad B, simul cum ratione A ad C. Patet ex dictis. nam per additionem rationis A ad C ad rationem A ad B, fit consequens B C maius: ac propterea ratio A ad B C minor est quàm ratio

A ad B: & quidem eã ratione minor, vt iam ostendimus, præc. Coroll. in quã ratione per additionem C, accrescit consequens B. Vnde quoniam B per additionem C accreuit ad duas tertias, etiam per additionem rationis A ad C ad rationem A ad B, diminuta est ratio A ad B duabus tertijs; sicque ratio A ad B facta est ratio D ad B; quæ ratio eadem est cum ratione A ad B C. quare cõstat assertio.

Corollarium sextum.

Hinc patet sextò errare eos qui propositionem hanc numeris exponere dum volunt, veram augmentationem rationum faciunt, cùm tamen fieri debeat diminutio rationum, vt propositio ritè exponatur, quod quidem ostendo. Sic enim argumentantur.

Ratio A ad B est sextupla, ratio verò A ad C est tripla: tripla autem addita sextupla facit noncuplam & tamen vti patet ratio A ad B C est dupla; chymericũ igitur, inquit, est dicere, quod ratio A ad B C, sit ratio A ad B simul cum ratione A ad C.

Sed vt ante præmonui, errant ipsi planè in eo

D 3

$$\frac{A}{\frac{B}{2} \quad \frac{C}{4}}$$

quod

A	
12	
B	C
2	4

quod rationem A ad B, & A ad C exprimat per rationes $\frac{6}{1}$ & $\frac{3}{1}$: nam assumunt rationes duas quæ communē consequens habet, scilicet unitatem, adduntque sibi invicem antecedentes : additis autem antecedentibus clarum est fieri rationem aliquam maiorem, quam erat alterutra. In nostro autem ca-

su, ratio A ad B, & ratio A ad C, commune antecedens habent, consequentia verò diversa : quo casu, per additionem consequentium diminuta redditur alterutra ratio, imò utraque solitarie sumpta.

Cum itaque rationes A ad B, & A ad C ad numeros minimos reducere volunt (quod faciunt quando rationem A ad B vocant sextuplam & rationem A ad C vocant triplam) ut recte stet exemplum in numeris, prout iudicavi in Coroll. t. reducatur ratio A ad B ad numeros minimos, eritque ut 6 ad 1 : & ratio A ad C reducatur ad numeros minimos, quos patitur antecedens 6, provenietque ratio 6 ad 2. addantur autem duæ consequentes 1 & 2 provenient 3, fietque ratio 6 ad 3, qualis est ratio A ad B C, 12 ad 6.

Quoddane verum est : neque ego quidquam hic chymericum, imò ne abstrusum quidem agnosco, nisi forte quod diminutio rationum quæ fit per additionem consequentium, ignota multis cum fuerit, occasionem dederit coniungendi rationem sextuplam cum triplâ per additionem antecedentium, non adverterint autem hic non fieri augmentationem rationum quæ fit per additionem antecedentium, sed veram esse diminutionem rationum, quæ fit per consequentium additionem, qualem requirit propositio.

Corollarium septimum.

A		B	
10		8	
C	D		
2	6		

Hinc rursus Patet septimò rectè etiam propositam esse Prop. 8. lib. 10. Operis Geom. quæ dicitur, quod quando rationis A ad C D tam antecedens quam consequens diuisum est in quocumque, antecedens quidem v.g. in A & B, consequens vero in C & D, quod ratio A B

ad C D, fit ratio A ad C, & A ad D, simul cum rationibus B ad C, & B ad D.

Ratio enim A ad C, simul cum ratione A ad D (per quam diminuitur ratio A ad C) est ratio A ad C D, ut iam ostensum est : item ratio B ad C, simul cum ratione B ad D (per quam diminuitur ratio B ad C) est ratio B ad C D, sed ratio A ad C D, adiuncta rationi B ad C D æquetur rationi A B ad C D, cum utraque ratio idem habeat consequens : igitur ratio A B ad C D, est ratio A ad C, cum ratione A ad D, una cum rationibus B ad C & B ad D, quod erat demonstrandum.

In numeris id expectari si placeat, operare hoc modo. A est ad C ut 5. ad 1, & A est ad D ut 5. ad 3, reducendæ enim sunt rationes illæ ad numeros minimos qui commune habeant antecedens ut ante dixi, itaque coniunge iam consequentes, 1 & 3, exurgent 4, & ratio A ad C D erit ut 5. ad 4. Item B est ad C ut 4. ad 1 & B est ad D ut 4. ad 3 nam & illæ rationes reducendæ sunt ad numeros minimos commune habentes antecedens 1 adde. 1. & 3, fiert 4, & ratio B ad C D erit ut 4. ad 4. Iam vero quoniam rationes 5. ad 4. & 4. ad 4. commune habent consequens scilicet 4, addantur antecedentes 5. & 4, exurgent 9, rationesque sic sibi invicem additæ erunt ut 9. ad 4, quæ eadem plane ratio est cum ratione A B ad C D, 18. ad 8.

Ex his omnibus itaque concludo, rem planam esse & apertam, totamque difficultatem ex modo loquendi minus commode exsurgere, & postea per operationem erroneam intricare. Volunt enim rationes quæ commune habent antecedentes, cum quando inter se comparantur vocare rationem triplam & sextuplam, &c. cum tamen triplâ & sextupla commune habeant antecedens, ac propterea, quid mirum in earum additione errari, cum antecedentes sibi fidei non debeant consequente inuariato, ut fit in additione verâ per quam fit augmentatio rationis, sed consequentes sibi invicem iungendi sunt antecedente inuariato, ut per eam additionem fiat diminutio rationis.

Quomodo ergo vocanda erit, inquires, ratio 12. ad 2, comparata cum ratione 12. ad 4? Certe non potest dici sexupla comparata eui triplâ, si in minimis numeris eam comparationem exprimere vis; nam ratio 12. ad 1. ad. rationem 12. ad 4. est vt 4. ad 2, vocandaque esset dupla comparata eum simplâ. Aduerte tamen quod licet ratio 12. ad 2. comparata ad rationem 12. ad 4, vocetur ratio dupla comparata cum simplâ, si tamen rationem 12. ad 2. addere vis rationi 12. ad 4, ac propterea rationem 12. ad 2. reddere diminutam duabus tertijs, non possis duplam rationem addere simplâ, nam tunc sic stabit exemplum $\frac{12}{2} \div \frac{12}{4}$, antecedentesque et uniti ducti & consequens commune; additisque antecedentibus augebitur ratio, verum redigi debet prior ratio ad minimos terminos vt 12. ad 2, ad rationem 6. ad 1; secunda verò ad minimos terminos quos patitur idem antecedens, 6; sicque demum stabit exemplum $\frac{6}{1} \div \frac{6}{2}$: addanturque consequentes, sicut 3, & prodibit ratio 6 ad 3, qualis est 12. ad 6, quæ diminuta est duabus tertijs rationes 12. ad 4.

Corollarium octauum.

A	I	B	E	L	F
1	3	4	12		
C	K	D	G	M	H
2	4	8	16		

EX hoc Paret 8. ventas Prop. 14. Operis Geomet. l. 10. qua dicitur, si dentur duæ rationes A B ad C D, & E F ad G H, quarum tam antecedentes quàm consequentes diuise sint in quocumque A I, I B; C K, K D; E L, L F; G M, M H, rationem. A B ad C D. esse ad rationem E F ad G H, vt rationes A I ad C K, A I ad K D; I B ad C K, I B ad K D simul sumptæ, sunt ad rationes E L ad G M, E L ad M H, L F ad G M, L F ad M H simul sumptas. Pater inquam, quia, rationes quatuor primæ simul sumptæ, siue sibi inuicem additæ eo modo quo dictum est in cor. 7. sunt ipsissima ratio siue constitunt ipsam rationem A B ad C D; similiter ex rationibus, quatuor secundæ sibi additis eodem modo constituitur ipsissima ratio E F ad G H.

Atque ex hoc & corollarium eiusdem propositionis fit manifestum, quod sic se habent

Si rationum A B ad C D, & E F ad G H paræ eadem aut similes rationes fuerint (in idem enim incidit rationes esse similes & easdem vt patet ex l. 8. de Proportional. in opere Geom) tum totæ rationes eadem aut similes erunt. Hoc est si ratio v.g. A I ad C K similis sit rationi E L ad G M, item ratio A I ad K D similis rationi E L ad M H; rursus ratio I B ad C K similis rationi L F ad G M; denique & ratio I B ad K D, similis rationi L F ad M H, etiam tota ratio A B ad C D similis erit rationi E F ad G H, patet ex præcedenti. Atque sic complanata est difficultas quæ in 2, 3, & 4. Quadratura posset occurrere.

Corollarium nonum.

$$\frac{A}{F} \quad \frac{B}{G}$$

$$\frac{C}{H} \quad \frac{D}{I}$$

$$\frac{L}{Q} \quad \frac{M}{R}$$

$$\frac{N}{S} \quad \frac{O}{T}$$

EX Prop. 8. l. 10. Oper. Geom. explicatâ & intellectâ prout eam intelligimus hâc in Corrol. 7. Patet 9. quomodo intelligenda sit, & quomodo verum sensum habeat Prop. 12. lib. 10. Oper. Geom.

In hac ostendat Auctor in casu quē proponit, quâdo scilicet sunt quatuor ordines continuè proportionaliū ABCDV, FGHIV, LMNOV, QRS

TV communem habentes ultimam V, quod ratio A ad L, sit duplicata rationis Cad N, & ratio Cad N duplicata sit rationis Dad O; item quod ratio A ad Q duplicata sit rationis Cad S, & ratio Cad S, duplicata rationis Dad T. Item ostendat quod ratio Fad L duplicata sit rationis Had N, & ratio Had N duplicata rationis I ad O; denique quod ratio Fad Q duplicata sit rationis Had S, & ratio Had S duplicata rationis I ad T.

$$\frac{A}{L} \quad \frac{F}{Q}$$

$$\frac{C}{N} \quad \frac{H}{S}$$

$$\frac{D}{O} \quad \frac{I}{T}$$

His ita expositis & demonstratis, inferat quod ratio tota A Fad L Q toties continet rationem totam C Had N S, quoties ratio C Had N S, continet rationem D I ad O T.

In primo cum non esset difficultas, consequentia tamen hæc vltima visa est difficilis, imò & falsa nonnullis, cum eam in numeris per operationes varias examinare voluit. Verùm quid si non rectè ex operationes adhibeantur? Nam cum ex Prop. 8. lib. 10. demonstraretur hæc consequentia, certè non alium sensum Prop. hæc 12. eiusque vltima consequentia quam modo posui habere potest, quam ipsa 8. Propositio requirit; alioquin frustra ea ad demonstrationem adhiberetur. Alium vero sensum illi si assignas, quis miretur in falsas consequentias, ex eâ perperam intellectâ quempiam deuolui? Hic igitur genuinus eius propositionis sensus est; aliis verbis in idem recedentibus expositus.

Tota ratio quantitatum A Fad L Q constituitur ex rationibus sibi additis iuxta sensum Prop. 8. iam explicatum Corrol. 7. quæ quidem rationes toties multiplicatas sunt rationum earum qui sibi additæ iuxta sensum Prop. 8, constituunt totam rationem quantitatis C Had N S, quoties rationes illæ constituentes rationem C Had N S sunt multiplicatæ rationum illarum, quæ sibi additæ iuxta sensum Prop. 8, constituunt totam rationem quantitatis D I ad O T.

Quod quidem verissimum esse demonstratur ex eadem Prop. 8. intellectâ prout eam intelligendam diximus Corrol. nostro 7. Nam ratio totius A Fad L Q, constituitur ex rationibus A ad L, A ad Q, F ad L, Fad Q; item tota ratio C Had N S constituitur ex rationibus Cad N, Cad S, H ad N, Had S; denique tota ratio D I ad O T, constituitur ex rationibus Dad O, Dad T, I ad O, I ad T. Ostensum autem erat in casu iam posito rationem A ad L esse duplicatam rationis Cad N; rationem verò Cad N duplicatam esse rationis Dad O sitem rationem A ad Q duplicatam esse rationis Cad S, & rationem Cad S duplicatam esse rationis Dad T; rursus ostensum rationem Fad L duplicatam esse rationis Had N, rationem verò H ad N duplicatam rationis I ad O; denique rationem Fad Q duplicatam esse rationis Had S & rationem Had S duplicatam esse rationis I ad T. Igitur patet rationem

tionem totam A F ad L Q constitui ex rationibus toties multiplicatis rationum earum, quæ constituunt rationem totam C H ad N S, quoties ex rationibus quæ constituunt rationem totam C H ad N S sunt multiplicatæ rationum, quæ constituunt rationem totam D I ad O T.

Quo posito, cum ratio A F ad L Q non differat à rationibus iis simul sumptis quæ constituunt rationem A F ad L Q per combinationem iam explicatam Corrol. 7. quæ vera est detractio simul & additio, idemque verum etiam fit in rationibus C H ad N S, & D I ad O T, patet iam quo sensu verum sit, rationē A F ad L Q toties continere rationem C H ad N S, quoties ratio C H ad N S continet rationem D I ad O T. continet nempe ratio A F ad L Q rationes eas ex quibus constituitur, quæ quidem toties multiplicatæ sunt rationum earum quas continet ratio C H ad N S & ex quibus ipsa cōstituitur, quoties rationes quas continet ratio C H ad N S & ex quibus constituitur, multiplicatæ sunt rationum quas continet ratio D I ad O T & ex quibus constituitur,

Corollarium decimum.

Hinc Patet 10. eos falli qui existimant in hac propositione dici, aut saltem debere dici, si ratio A ad L sit duplicata rationis C ad N, & rursus si ratio F ad L sit duplicata rationis H ad N, &c. (reliquas combinationes omitto vt verbis parcam) quod etiam ratio A F ad L sit futura duplicata rationis C H ad N : quod tamen nonnulli putantes sine vilo dubio, & absque controuersia in hac propositione supponi, falsum id tamen esse in numeris inueniunt. neque errant; falsum id enim verè est, patetque id sine longis ambagibus. Nam vt rationi A ad L quæ duplicata ponitur esse rationis C ad N, addatur adhuc vnà ratio F ad L, sic vt constatur ex illis rationibus, scilicet ex ratione A ad L & alterà illà ratione adiectà, duplicatam habeat rationum C ad H & H ad N conflatarum in vnā rationem, debent imprimis rationes C ad N, & H ad N coalescere per multiplicationem : fiat itaque vt H ad N, ita N ad X, eruntque rationes C ad N, & H ad N sibi additæ per multiplicationē, prouenietque ratio C ad X. iam vero cum ratio F ad L posita sit duplicata rationis H ad N, hoc est N ad X, fiat vt F ad L, ita L ad V, erit & ratio L ad V duplicata rationis N ad X, totaque ratio A ad V erit duplicata rationum C ad N & H ad N sibi additarum per multiplicationē per 77. lib. de Proportional. longè autem alia est ratio A F ad L quam A ad V. Quis id ignorat qui in rationum natura aliquomodo est versatus? & id P. Gregorius non animaduertit, qui rationum scientiam aded amplificauit vt passim notum est, quiq̃ue rationibus quibuscumque æquè commodè vtitur ac Euclides lineis?

Causa itaque quare istæ rationes A L ad F L additæ sibi inuicem prout vult Propos. 12. licet singulæ duplicatæ sint rationum C ad N, & H ad N, non constituent tamen aliquam rationem A F ad L quæ sit duplicata rationis C H ad N manifesta est, quia rationes A ad L & F ad L non coalescunt per multiplicationem, sed per veram additionem; siue quia non coalescunt istæ rationes vt multiplicatæ sunt rationum C ad N, & H ad N. sed vt rationes simplices sunt. Eodemque modo rationes C ad N & H ad N non coalescunt per multiplicationem, nam vt sic faciant rationem C ad X vt iam ostensum est; coalescunt autem & rationes C ad N, & H ad N per meram additionem rationum, vt rationes simplices sunt, non autem vt multiplicantur per rationes alias. Imò vt pressius loquar nullā operatione hic opus est, nam citra vllam additionem extrinsecam, coaluerunt iam rationes C ad N & H ad N in ratione C H ad N, quia reuera ratio C H ad N eas actu continet. idemque est in reliquis rationibus observandum.

Rationes porro A ad L, & F ad L licet reipsa duplicatæ sint rationum C ad N, & H ad N singulæ singularum, non tamen vt sic consideratæ mutationem vllam in se accipiunt; quare manet ratio A ad L, & F ad L, siue considerentur in ordine

ad

ad rationes C ad N, & H ad N simpliciter vt rationes sunt, siue considerentur vt duplicatae sunt earundem. Additæ autem hic considerantur vt simplices rationes sunt, per meram additionem; aut si consequentes etiam diuise sint, per meram additionem & deductionem, modo explicato Corrol. 7.

<u>A</u>	<u>F</u>	<u>C</u>	<u>H</u>	<u>D</u>	<u>I</u>	Quod si petas
<u>L</u>			<u>N</u>	<u>O</u>		quoties ergo ratio
						AF ad L multiplicata sit rationis CH
						ad N; respondeo id
						ad hunc discursum

minimè determinari debere, nec requiri: non enim indagatur hic ratio duorum totorum inter se, sed assumitur tertia quædam ratio D I ad O, quæ cum talis esse reperiat, vt rationes omnes eam constituentes, toties multiplicentur à rationibus constituentibus rationem CH ad N, quoties rationes hæc multiplicentur à rationibus constituentibus rationem AF ad L, infertur quod ratio AF ad L contineat toties rationes constituentes rationem CH ad N (quæ sunt ipsissima ratio CH ad N) quoties rationes constituentes rationem CH ad N (quæ sunt ipsissima ratio CH ad N) continent rationes constituentes rationem D I ad O, quæ sunt ipsissima ratio D I ad O. Non autem id infertur ex eo quod ratio AF ad L sit duplicata rationis CH ad N, & quia ratio CH ad N duplicata est rationis D I ad O: nam id quidem planè falsum est, nec vquam assumptum vel per vmbra in discursu P. Gregorij.

Nam ex eo quod ratio A ad L duplicata sit rationis C ad N, & ratio C ad N duplicata rationis D ad O, quid inferes quod rationi A ad L in ordine ad rationem C ad N competat, quod simul etiam competat rationi C ad N in ordine ad rationem D ad O? An quod ratio A ad L toties sit duplicata rationis C ad N, quoties ratio C ad N duplicata est rationis D ad O? hoc autem nihil planè significat. Quid enim est toties esse duplicatam rationem altetius rationis, quoties hæc altera ratio duplicata est eiusdem tertie? Rectè tamen inferes quod ratio A ad L eo catia toties multiplicata sit rationis C ad N, quoties hæc est multiplicata rationis D ad O, quia vtraque alterius est duplicata: & quod ratio F ad L toties sit multiplicata rationis H ad N, quoties hæc est multiplicata rationis I ad O, ob eandem rationem. Quando vero dicitur quod ratio AF ad L toties contineat rationem CH ad N, quoties hæc ratio continet rationem D I ad O, hoc non infertur vllò modo, ex eo quod ratio AF ad L sit duplicata rationis CH ad N, & quod ratio CH ad N duplicata sit rationis D I ad O, sed ex eo quod ratio AF ad L contineat tot rationes ex quibus constituitur, quæ toties multiplicatæ sunt rationum earum quas continet ratio CH ad N, & ex quibus constituitur, quoties eæ rationes quas continet ratio CH ad N, & ex quibus constituitur, multiplicatæ sunt rationum earum quas continet ratio D I ad O & ex quibus constituitur, vt iam sæpius dictum. Iuvat enim sæpius idem, & diuersis modis aliquando dixisse, vt tandem percipiatur quis sensus sit Auctoris.

Latet hic quidam aliud quoddam mysterium, ex quo ostendere possem rationes has minimè esse posse duplicatas, & tamen verum esse quod toties sint multiplicatæ prima secundæ, quoties secunda multiplicata est tertie: sed quia longioris id esset discursus, maiorisque moliminis quàm vt libello hoc id explicari possit, visum id fuit omittere: præsertim cum Auctor ipse in deductione harum materialium, quam præ manibus habet, id luculenter sit præstiturus.

Corollarium undecimum.

<u>A</u>	<u>F</u>	<u>C</u>	<u>H</u>	<u>D</u>	<u>I</u>
<u>L</u>		<u>N</u>		<u>O</u>	

EX his Patet 11. errare rursus eos qui ex Prop. 12. putarunt sequi rationes A F ad L, C H ad N, D I ad O esse rationes continuè proportionales. Nā, inquit, ratio A F ad L duplicata est rationis C H ad N, & ratio C H ad N, duplicata rationis D I ad O. igitur rationes ex sunt continuè proportionales. Atque hoc modo rursus Propositionem 12. examinare dum volunt, inneniunt rationes A F ad L, C H ad N, D I ad O non esse continuè proportionales.

Sed quid mirum si ex errore supposito, veritatem, quam sibi imaginantur sequi debere, non eliciant? Nam imprimis nusquam assumptum est rationem A F ad L duplicatam esse rationis C H ad N; & hanc rursus duplicatam rationis D I ad O. nam hoc falsum esse iam ostendimus.

Deinde ut hoc assumeretur, tamen minimè sequeretur rationes eas esse continuè proportionales. Quod quidem in numeris prius ostendo, deinde id ipsum Geometricè demonstraturus.

Suppono ex I. de Proportionalitatibus P. Gregorij, si tres continuè proportionales rationes exhibeæ fuerint, rationem mediam in se ductam, idem producere, quod ratio prima ducta in tertiam.

Sit iam A, B, C, D, E ordo quinque proportionalium. Ratio A ad E duplicata est rationis C ad E: ratio autem C ad E duplicata est rationis D ad E, non tamen idè rationes A ad E, C ad E, D ad E continuè proportionales erunt. quod sic patet.

Fiat ut C ad E, ita E ad F; tunc ratio C ad E ducta in se producet rationem C ad F. Item ducatur ratio D ad E in rationem A ad E siue fiat ut D ad E ita E ad G; prodibitque ratio A ad G, hoc est B ad F, patet autem rationem B ad F eandem non esse cum ratione C ad F. non igitur sunt rationes A ad E, & C ad E, deinde D ad E proportionales, quamvis duplicata sit ratio A ad E rationis C ad E; quemadmodum hæc ipsa ratio C ad E, est duplicata rationis D ad E.

Confirmabitur hoc ipsum simili ferè discursu. Ponantur denud quantitantes A, B, C, D, E continuare eandem rationem A ad B. erit itaque ratio A ad E duplicata eius quàm habet C ad E: & similiter C ad E duplicata rationis D ad E. cumque habeant tres hæ rationes commune consequens erit ratio A ad E ad rationem C ad E, ut A ad C per propositionem secundam libri de Proportionalitatibus: & ob eandem causam erit ratio C E ad D E, ut est C ad D. quia verò rationes eadem esse supponuntur propter continuationem, erit ratio A ad C duplicata rationis A ad B, hoc est duplicata C ad D. quare ratio A ad E, C ad E D ad E proportionales non sunt, cum termini A, C, D proportionales esse non possint.

F I N I S.

2 = + William Grant Ferguson, 1874-1948